

靈寶无量度人上品妙經卷之十四 地四

日精陽明品

道言昔於赤明天中紫陽空歌大寶光土受
元始度人日精陽明无量上品元始天尊當
說是經周迴十過以召十方始當詣座天真
大神上聖高尊妙行真人洞陽日官帝后嬪
妃日中天宮仙民無執數衆乘空而來絡雲
丹霄綠輿瓊輪華蓋垂蔭日精陽光九色鬱
勃洞煥太空七日七夜諸天星宿飛精垂芒
交輝射暎空極神宮虛定天樞止旋玉璣金
衝端凝佇息神風靜默山海藏雲天景陽明
杰流炯清一園地土山川林木緬平一等無
復高下土皆作紅玉無有異色衆具侍座元
始天尊玄坐空浮九龍陽明爛珠寶山法座
之上說經一徧諸天大聖同時稱善是時一
園男女仰瞻日精燦華九道陽明霞布分
諸天信此真精為萬物之祖說經二徧日中
宮殿見千寶色天仙衆民咸歸正道說經三
徧日中世界剛風所持獨立空際周行無窮
說經四徧瓊軸駕雲紫金光聚下照無邊秀

熱品物說經五徧天文大梵俱見日中字皆
回旋霞芒曲折隱語深秘悉得洞悟說經六
徧洞陽之炁九百萬丈下臨八極賢聖金寶
憑炁生成說經七徧洞陽識明照徹幽夜白
骸寒骨抑被溫曦隨明上登出離冥海說經
八徧朱光四披玉石含精陽魂感接皆變丹
英說經九徧洞室巖嶺栖真隱仙引景奔展
祖根開泰說經十徧日精停瑞萬品凝滋金
液渙洋槁朽成寶是時一國是男是女莫不
傾心皆受護度咸得長生

道言是時元始天尊說經一徧東方无極无
量品日中青帝大神無執之衆浮空而至說
經二徧南方无極无量品日中赤帝大神無
執之衆浮空而至說經三徧西方无極无量
品日中白帝大神無執之衆浮空而至說經
四徧北方无極无量品日中黑帝大神無執
之衆浮空而至說經五徧東北无極无量品
日中黃帝大神無執之衆浮空而至說經六
徧東南无極无量品日中鬱儀赤熒大神無
執之衆浮空而至說經七徧西南无極无量

品日中鬱儀紫晶大神無執之衆浮空而至
說經八徧西北无極无量品日中鬱儀炎象
大神無執之衆浮空而至說經九徧上方无
極無量品日中鬱儀金藏大神無執之衆浮
空而至說經十徧下方无極无量品日中鬱
儀陽明大神無執之衆浮空而至十徧周竟
十方无極日魂帝君天真无量大神一時同
至一國男女傾心歸仰各各相謂共為讚書
我等夙以福因承道力生居道境獲在日
月之上但知乘光流景煥耀諸天激奔海嶽
宮室園林皆成真金微妙之色今日元始示
我日精陽明之法洵澤重陽嗜吸華彩至陽
液髓骨肉成金而三元九炁覆育品物自非
日精不能舖叙至學之士外鍊金石調制水
火日月有數造化克靈內養一形日為心象
日中之炁洞照百關三萬神童奔陽泥景日
為火龍產成玉液胃為土釜元火烹鎔下日
布功立成真道我所知者法之邊微元始所
宣定當隱具願聞上法開我障山來者有如
細雨霽霧無執之衆遶國一半土皆徧陷非

可禁止於是元始四觀大衆周覽會中出紫
 金光明臂約九色洞霄火玉離羅之服引手
 而出以大神力長三十三萬里下摘日輪如
 攀甘果亭亭火色光滿十方來自空玄日輪
 圓瑩內有山林河海宮殿城闔無量仙民道
 遙自在如寶瑠璃中含金色一會天人咸皆
 近觀於是元始以此日輪變成寶珠大如黍
 米在空玄之中去地九丈元始登引天真大
 神上聖高尊妙行真人日中帝后无量大神
 無鞅之衆俱入寶珠之中天人仰看惟見梯
 梯從珠口中入既入珠口不知所在國人廓
 散地還平正無復歇陷元始即於寶珠之內
 說經都竟衆真監度以授於我當此之時喜
 慶難言法事粗悉諸天復位修歛之間寂無
 遺響是時天人直遇經法普得濟度全其本
 年無有中傷傾土歸仰咸行善心明道明真
 明法明戒明經明理明陰明陽明神明无言
 合洞章口無妄聲齊同慈愛真骨成親國安
 民豐欣樂太平經始出教一國以道預有至
 心宗奉禮敬皆得度世

道言元始天尊說經中所言並是日中上帝
 內名隱韻之音亦是日宮內諱陽明之隱名
 也日爲三炁之元衆陽之父仰之神仙无極
 引之天谷虛盈中生紫真存之滅屍鍊魂向
 之九霞注靈造化因之而得神聖用之而明
 非世之常辭上聖已成真人通玄究微能悉
 其章誦之十過祥光顯瑞五帝設禮神鳥翮
 赫金精騰輝赤車停輪丹輶不行群魔束形
 鬼精滅英迴屍起死白骨成人至學之士誦
 之十過則五帝侍衛三界稽首陽明洞照流
 火熾然魔精喪眼鬼絲滅盡濟度垂死絕而
 得生所以爾者學士德炁未消體未洞真以
 制日精威未制天政德可伏御地祇束縛魔
 靈但却死而已不能更生經誦此章身則被
 殃供養專禮門戶與隆世世昌熾與善因緣
 萬災不干神明護門斯經專妙獨步玉京度
 人无量爲萬道之宗巍巍大梵德難可勝
 道言凡誦是經十過陽明降仙日關轉機九
 陰開翳衆尸生光億會萬祖幽魂苦奏皆即
 受度上昇朱官格皆九年受化更生得爲貴

人而好學至經道日捐陰九陽鍊質神光入
 心心如朝暉五藏成金皆即受度飛昇南宮
 世人受誦則延壽長年後皆得作尸解之道
 日精淨空紫煙靈燄神宅清鑣天靈高冲魂
 神暫滅不經地獄即得返形遊行太空此經
 微妙普度無窮一切天人莫不受慶无量之
 福生死蒙惠上天所寶不傳下世至士齋金
 寶效心盟天而傳輕泄漏慢殃及九祖長役
 冥官侍經五帝玉童玉女各二十四人營侍
 神文保護受經者身
 道言正月長齋誦誄是經五帝賜籙陽明度
 魂爲上世亡魂斷地逮役度上南宮七月長
 齋誦誄是經日精流金赤童員餅飲兆玉體
 長存不傾身得神仙諸天書名黃籙白簡削
 死上生十月長齋誦誄是經日池寫光朱華
 玉英戲紫凝霞金霞流香爲國王帝主君臣
 父子安鎮國祚保天長存世世不絕常爲人
 君安鎮其方民樂太平八節之日誦誄是經
 日精混成先天蘊光周行玉京望拜金色仰
 希陽明得爲九官真人本命之日誦誄是經

10140210

鎮此神宮丹敷錦旌隨日以生得道之名
神證正萬炁長存不經苦惱身有光明三界
侍衛五帝司迎萬神朝禮名書上天功滿德
就飛昇上清

道言行道之日皆當香湯沐浴齋戒入室

東向甲齒三十二道上聞三十二天心拜
三十二過閉目靜思身坐九色紫雲之內
內外翁冥有青龍白虎朱雀玄武師子白
鶴羅列左右日月照明洞煥室內項生圓
象光暎十方如此分明審呪曰

无上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十六人關啓所言今日吉慶
長齋清堂修行至經无量度人願所啓上徹
徑御

无上三十二天元始上帝至尊几前畢
引炁三十二過東白編經

元始无量度人上品妙經

元始洞玄靈寶本章曰精陽明上品傾光度
人百魔隱韻離合自然混洞赤晶無無上真
未有天地自古固存月為水胞日為金精日
如彈丸黑月胞之狀如鷄卵內有五色旋為

五暈日居其中月抱其外元炁裏之漸變天
地地昇于天天合於地其精混沌清濁未分
名為胞元天地既開日月分胎日精陽明其
數九五以應乾位日昇東赤飛龍在天金水
分形日精乃成晝昇夜降子午為經日圓九

萬中有金城洞陽之宮空青之林食其華實
與日同壽飛行上清乘剛歷玄元始祖劫化
生諸天開明三景是為天根上無復祖惟道
為身鬱儀靈寶章曰帝靈書赤文開廓普植神
靈無文不先無文不明無文不立無文不成

無文不度無文不生是為大梵天中之天瓊
池絳臺赤林丹京九龍陽燄上奔日城眇眇
劫刃若亡若存土華離便大有妙庭金闕玉
房森羅淨潔神霄梵炁周迴十方中有日精
陽明之神中有南極長生之君中有東極青

華帝君中有度世司馬大神中有好生壽君
丈人中有南上司令司錄延壽益算度厄壽
神迴散起死无量度人今日校錄諸天臨軒
東方元極飛天日中神王長生大聖无量度
人

南方元極飛天日中神王長生大聖无量度
人

西方元極飛天日中神王長生大聖无量度
人

北方元極飛天日中神王長生大聖无量度
人

東北元極飛天日中神王長生大聖无量度
人

東南元極飛天日中神王長生大聖无量度
人

西南元極飛天日中神王長生大聖无量度
人

西北元極飛天日中神王長生大聖无量度
人

上方元極飛天日中神王長生大聖无量度
人

人 下方无極飛天日中神王長生大聖无量度

人 十方至真飛天日中神王長生度世无量大神並乘晨霧荷紫之雲流鈴丹瓊之聲絡芙蓉輪駟駕朱鳳日精火龍建耀羅之節赤瑠靈簷前唱九鳳齊唱後吹八鸞同鳴師子神雀嘯歌雍雍五帝啓途日仙扶轅億乘萬騎浮空而來傾光迴駕監真度生金闕丞相南昌上官韓司主錄監生大神執錄把籍齊到帝前隨所應度嚴校諸天普告三界无極神鄉泉曲之府北都羅鄴三官九署十二河源上解祖考億劫種種親疾除罪薄滅惡根不得拘留逼令鬼群日帝符命時刻昇遷北都寒池部衛形魂制魔保舉度品南官死魂受鍊仙化成人身受度劫劫長存隨劫輪轉與天齊年永度三途五苦八難超凌三界道遷上清上清之天王帝洞明無色之境梵行

東方八天
帝暉瓊瑛天 帝總魔威權

帝暉瓊瑛天 帝總魔威權

九丹耀華天

帝篤宴求韶

青林振陽天

帝王琅希章

日真寶慧天

帝澤清守金

且明悟秘天

帝精微高昇

樂境觀元天

帝術隨留

蒼野化都天

帝洞臯典雲

歷軫耀明天

帝荔華亭杵

南方八天

日車形明天

帝光赤殿

赤熒左徊輿神天

帝利蒙隱元

圓景蔚臺天

帝庸熙驛符

備神紫輿天

帝謁幽款幾

黃炁陽精天

帝遼吳房

朱安帝都天

帝皇落持微

藥館雲文天

帝璇芳正仙

乘陽可周天

帝濟剛義沖

西方八天

絕兵素靈天

帝封關誓陰

秀樂慶舉夫

帝肅安基

金芒聚霞天

帝碧雲凝瑤

素炁七經天

帝鏤丹奇辛

資剛行迅天

帝役電令神

物錄資衛天

帝眇夷行修

律禁斷魔天

帝直印羅重

嶄仙玉龍天

帝青斧到牙

北方八天

運真布極天

帝環樞高璇

保神契宗天

帝察理考房

日盈都格天

帝蹈靈猶光

寶寶命真天

帝極思建平

蓬柱鎖鴻天

帝昭損並敷

寂常體明天

帝連勤奉宗

報幾悟元天

帝叱底玄

元明安順天

帝鑄部聃

三十二天三十二帝諸天隱諱諸天隱名天

中空洞自然靈章諸天隱諱日中之音日中之尊日中之帝日中真皇日中之靈九光十華變化上清无量之奧深不可詳敷落神具普度天人今日欣慶受度降接日真澈霞熒景服御陽明金液錕骨玉漿送神身登寶車

為帝高賓升祖玄堂歷關諸天請滅衆惡斬
 絕欲根飛度五苦名列太玄東斗輔左西斗
 弼右北斗殿軍南斗太衝中斗隨輪驂日之
 後朱闕山聳絳都玉就運精施生世道乃行
 音帝護魂日精傳肝白帝侍魂日精經肺赤
 帝養赤日精鍊心黑帝通血日精退陰黃帝
 主脾萬物同依青帝神王角奎洪儀赤帝神
 王迅煙傾離白帝神王素芒炎暉黑帝神王
 黔玄紫光黃帝神王金靈八期五帝大神日
 陽之宗運明虛游飛行鼓從總領神兵履懂
 鼓節遊觀太空自號赫奕諸天齊功上天度
 人嚴攝北鄴神王受命晉掃不祥炎光吐毒
 赤甲四張火兵前驅日將仗檣擲火萬里流
 鈴八衝敢有干試拒遏上真金鉞前戮鏗天
 後刑屠割鬼奕風火無停千千截首萬萬翦
 形魔無干犯鬼無祿精三官北鄴明檢鬼管
 不得容隱金馬驛呈普告無窮萬神咸聽三
 界五帝列言上清
 元洞玉層太初龍康洞陽赤元胞胎伏藏妙
 眇億劫混沌之中中如卵形日精赤靈日抱

而生三景之根金水既圻上下強分為光明
 者是日之魂上洞赤色下洞靈淵風澤廓虛
 大明麗天天上天下無幽無冥無形無影無
 極無窮溟溟是道遠邇未光赤明開圖運度
 自然元始安鎮數落五篇赤書玉字日中瓊
 文保制劫運使天長存梵炁彌羅萬範開張
 日精陽明三十二天輪轉無色周迴十方旋
 斗歷箕回度五常三十五分總炁上元八景
 冥合炁入玄玄日中太皇五帝高真炁景太
 霞嘯誦洞章金真朗郁流響雲管玉音攝炁
 靈風聚煙紫景鬱儀日中萬仙日精入身傳
 降三田鍊金為液胚土為鉛鑄八胃爐心火
 腎來厥除鼓囊液流百川碧海神龜吐炁如
 煙金液傳鼎胎成玉嬰千和萬合自然成真
 真中有神長生大君無英公子白元尊神太一
 司命桃康合廷執符把籙係命生根上遊上
 清出入華房八冥之內細微之中下鎮人身
 泥九絳宮中理五炁混合百神十轉回靈萬
 炁齊仙仙道貴生元量度人上開八門飛天
 法輪罪福禁戒宿命因緣普受開度死魂生

身身得受生上聞諸天諸天之上各有日門
 鍊陰全陽流火變形日精注凝克為仙真中
 有空洞誦歌之章真玉靈篇辭參高真

第一日精陽明飛空之音

元始赤精 三元賴成 朱光照微

色洞幽冥 青林金華 瓊寶發榮

赤城萬里 絳闕紅庭 五帝無為

萬仙列卿 億民遊散 飲光食英

后妃玉女 燒香奏樂 兆能引霞

奔神高清 金顏寶冠 錦繡繡遊

前導六甲 後從六丁 陽明之威

陰醜滅形 帝錫長生 延年久齡

上真之道 九陽是稱

日界遊空 浮行九宮 乘剛獨力

周駕神風 宇宙金色 山海一同

萬物賴生 三元共功 是元始身

分形變容 九鍊洞陽 出先共榮

朱芒靈鳥 吐納太沖 兆能感之

明智靈通 靜察遠鑑 還老成童

第二日精陽明真王之章

物得感之 華秀清凝 丹沙寶玉
燦耀瓊芝 珠冰雲海 鳳栖紫微
日精陽明 道之真歸 我詠无量
保子無凶衰

第三日精陽明真王歌曰

丹霞飛紫煙 瓊輪湧明海 扶桑凝金芒
萬古色不改 故知元始精 先天蘊淵滄
九龍駕陽車 倏忽起世外 乾坤為合谷
三炁亦既濟 日月為神丹 吸精滅死潰
哀此頑滯仙 鍛石漫成塊 胡不引龍轅
運液落珠貝 穿節連百關 日氣破冥昧
咀雲碎紅璃 飲景以神醉 勿測蓬萊水
每惜生死對 晨本玉帝前 道祕索玄會
此三界之上飛空之中真王歌音音參洞章
誦之百遍名度南宮誦之千遍真王保迎萬
徧道徧飛昇太空過度三界位登仙公有聞
靈音真王敬形敕制地祇侍衛送迎拔出地
戶五苦八難七祖昇遷求離冥官魂度朱陵
受鍊更生是謂无量普度無窮有秘上天文
諸天共所崇泄慢墮地獄殃及七祖翁

道言此二章並是日中五帝鬱儀神王隱秘
之音昭晰日精陽明濛汜出入靈景濟真之
道三界賴之以開明二儀持之以分判兆能
納日精之炁披陽明之暉則金華變仙七祖
受鍊皆是大梵之言非世上常辭言無韻麗

曲無華宛故謂玄奧難可尋詳上天所寶秘
於玄都高上神霄玉清王府道君降世隨運
流傳若有至人齋金寶質心依舊格告盟十
天然後而付焉

道言夫天地運度否終日月五星虧盈至聖
神人休否未學之夫疾傷凡有此災同炁皆
當齊心修齋六時行香十徧轉經福德立降
消諸不祥无量之文普度無窮

道言夫末學道淺或仙品未克運應滅度身
經太陰眩過之時同學至人為其行香誦經
十過以度死形如法日精下流陽明開陰骨
鍊屍滅炁合天真魂神徑上南宮隨其學功
計日而得更生轉輪不惑便得神仙

道言夫天地運經星宿錯度日月失暉四時
失度陰陽不調國土有災疫毒流行兆民死

傷師友命過亦當修齋行香誦經夫齋戒誦
經功德甚重上消天災保鎮帝王下攘毒害
以度兆民生死受賴其福難勝故曰无量普
度天人

道言凡有是經能為天地帝主兆民行是功
德有災之日發心修齋燒香誦經十過皆諸
天記名萬神侍衛右別至人剋得為聖君金
闕之臣諸天記人功過毫分無失天中真王
亦保舉爾身得道者乃當洞明至言也

諸天中大梵隱語无量音 道君撰
元始靈書日精陽明中篇

東方八天

蒼明龍濟 略咎泮教 寬漠沙陀
極浮壽齊 檀爛蘇易 觀生英妃
烈注倪侯 龍門狩尸 媽壘錫野
暴演衷宜 詠暢司閻 斗環時表
華薦直芒 忽晞靈披 鸛獵耿躍
眉玄酌微
南方八天
集陽暄扶 熾真嚴晦 寶層報為

純剛昂宣 葵軸浩雲 川獲敏芭
映彰弔圖 狎光瑤盧 智哲採禧
抱衛存昭 幽厥鄙托 柱鉛飛吟
高蓋伽賞 舍瓊瓊盆 窮岫洞炎
驅原華魂

西方八天

禪猷寂濛 潔嶺候涪 臨凌酬綠
軸俞昌壽 庚途凝栖 辦當喬依
聖度越延 食總休基 酉葦聲秋
由奚覽趨 層鏡步稽 畫拔屏持
邈在玄落 茂悅群作 徧怙泊拜
倫匠舊穎

北方八天

鎮佃丘屨 玉池慈源 海影首達
辰火沈旋 璫負淨寶 辟由光走
疆論壯治 垂和邀魂 尊腹史脩
白泚淪寶 耕遂申虺 清監槎排
丙錦司彪 穆都伴獨 持鐸敷緒
潤鐸變梯

道言此諸天中大梵隱語无量之音舊文書

日關長樓赤扉之上以陽鬱儀之光其道至
禁為太上不泄之旨萬物為之依息千聖用
之遊祖能知之招靈採真洞盈泥九乘擇
液泄神變成仙九祖受福身浮天雲宇皆廣
長一文天真皇人昔書其文以為正音有知
其音能齋少其音者諸天皆違陽明神王下
觀其身書其身動上奏諸天萬神朝禮地祇
侍門大功真王保舉上真道備剋得遊行三
界昇入金門此音無所不辟無所不壞無所
不度無所不成天真自然之音也故誦之致
神王下觀日帝遙唱萬神朝禮三界侍軒群
袂東首鬼精日亡琳琅振響十方肅清河海
靜默山嶽吞煙萬靈振伏招集群仙天無氛
穢地無妖塵冥慧滴清大量玄玄也
元始无量度人上品妙經卷之十四

靈寶无量度人上品妙經卷之十五 地五

月華陰景品

道言昔於寶明天中黃華梵景太素光土受
元始度人月華陰景无量上品元始天尊當
說是經周迴十過以召十方始當詣座天真
大神上聖高尊妙行真人廣乘上官后妃元
君嬪御仙官散輝金童耀華玉女無鞅數眾
乘空而來素雲素霄金輿瓊輪羽蓋垂陰流
精玉光灑彩鬱英洞煥太空七日夜諸天
日月星宿璇璣回標駐輪神風宛轉山海澄
源天虛八浮地寂四清一國地土山川林木
緬平一等無復高下土皆作金瑤通玉交映
無有異色衆真侍座
元始天尊玄坐空浮九龍瓊臺雲層之上說
經一徧諸天大聖同時稱善是時一國男女
始悟正因陰為道母三元混沌於此孕成說
經二徧心識性解明悟道源說經三徧超離
陰胎即成化育說經四徧乘此經力得飛仙
道說經五徧聞法解理神澄廣寒說經六徧
金光徧空霧林接響說經七徧法真開顯保